

河
漕
備
考

歷代治河考

時世變遷河身迥別地形高下治法懸殊考古所以知今達變
乃為善守為作歷代治河考

唐

禹導河積石 積石山非河源所出河源去此尚有四千三百
餘里禹導河乃自此始耳

至于龍門 黃河自南行兩岸皆束于山淮南子云龍門未開
呂梁未鑿河出孟門之上孟門即龍門之上口魏土地記云
梁山北有龍門山大禹所鑿廣八十步岩際鵠跡遺功尚存

塞之文

同為逆河入於海 禹時洪水泛濫播之為九則勢有所分而
上流速洩然河分則流緩海潮沖入河不能敵海口必淤合
之為一則力有所專而下流亦不壅矣

註逆河以海水逆潮而得名蓋天下之水以海為歸而海潮
逆上則歸者不得速歸而泛濫之患作矣況河流挾沙海潮
亦挾沙河勢不敷則海潮倒灌而河口必淤矣故同為逆河
正所以敷海也

按史記河渠書禹斷二渠以引其河孟康註云渠一出貝州

為河正流一則為漯水此後世開分水河之始也

孟子云禹之行水也行其所無事也註因其自然之勢而導之未嘗以私智穿鑿而有所事愚謂行所無事其間大有事在河者是勢之自然何者非勢之自然審之既明或疏下流以通其淤或分上流以截其勢然後水得其潤下之性而不為害若順其自然而不以為事此田蚡之阻治瓠子新莽之不塞決河耳烏得為大智哉

禹曰予決九川距四海濬畎澮距川註先決九州之水使各通于海次濬畎澮之水使各通于川即此盡力清濶之謂也

蘇老泉曰制策云九夫為井、間有溝四井為邑四邑為邨
四邨為甸、方八里旁加一里為一成、間有洫其地百井
而方十里四甸為縣四縣為都四都八十里旁加十里為一
同、間有澮其地萬井而方百里百里之間為澮者一為洫
者一為溝者萬又云十夫有溝百夫有洫千夫有澮萬夫有
川此三代井田之制今北方之地此制已廢弛殆盡惟南方
多涇港有似古時溝洫蓋緣北方溝洫有渾河以入之南方
皆清水故久而不改也

朱子曰禹之治水也只理會得河患積石龍門所謂作十有

三載乃同者正在此處何未經鑿治時龍門正道不甚洩故一派西深入閼陝一派東滾往河東故此河患最甚禹自積石至龍門費工夫最多愚按所云禹治水只理會得河患此言良是但言禹費工夫處在龍門積石恐未必然夫十三載乃同者係兗州事何得引向雍州且禹時河患莫甚于兗州其著工夫當亦莫多于兗州孟子叙禹之功亦云疏九河濬濟深皆兗州水也兗州為河下流治水當治下流從古皆然寧禹而反不然

邵二泉云禹導河自大伾以下分播合同隨其所之而疏之

不與爭利故水得其性而無冲決之患非無冲決也彼自冲決而非吾之所得與也今河南山東郡縣碁布星列官亭民舍相比而居凡禹之所空以與水者皆為吾有蓋吾無容水之地而非水奪吾之地宜其有冲決之患也

周

齊桓公通八流以自廣出尚書中候按黃河合則流急、則通分則流緩、則淤不可以二矧可以九九河云者橫流泛濫河之病也禹順而疏之則水有所歸而泛濫止然不使之各尋歸處而必同為逆河者蓋同為逆河則其力專其勢大河

身日沒海口常通而河患自息矣夫幹河通枝河必漸涸九河之終為一河恐夏時已然特經傳無考耳今謂歷一千五百餘年至齊桓公時九河如故恐無此理

齊趙魏三國傍河築隄漢書賈讓奏言堤防之作近起我國墮防百川各以自利齊與趙魏以河為境趙魏瀕山齊地卑下作堤去河二十五里河水東抵齊堤則西泛趙魏于是趙魏亦去河二十五里為隄雖非其正水有所遊盪積久復還故道故終戰國河無大決臣謂此河隄之始亦千古治河之良法也 又云水去則埴淤肥美民耕田之或久無害稍築室

宅遂成聚落及水至漂沒則更作隄防以自救于是隄防隄
者去水僅數百步無餘地以處泛漲之水臣謂此良法廢弛
亦千古治河之通病也

漢

武帝時齊人延年上書言河出崑崙經中國注渤海是其地勢
西北高而東南下也可開大河上嶺出之胡中東注之海如
此閘束長無水災北邊不憂寇盜帝壯之而不行其說按黃
河自歸化城東勝州之界皆東北高而西南下中隔山脊故
曰上嶺水流就下乃可使之上嶺乎荒唐之說不足採也

成帝時清河都尉馮遂奏言郡承河下流土壤輕脆易傷頃所以無大害者以屯氏河通兩川分流也今屯氏河塞鳴犢又益不利獨一川兼受數河之任雖增高堤防終不能洩秋復疏屯氏河反都昌所穿直渠不果行河尋決東郡觀此則分水支流又有當開之處不可執一論也

李尋解光上言議者常欲求索九河故迹而穿之今因其自決可勿塞以觀水勢河欲居之當稍自成川挑出沙土然後順天心而圖之必有成功而用財力寡愚按塞決如救火禦敵豈容稍緩若待成川則城郭人民必多淹沒

賈讓言治河上策徙冀州之民當水中者決黎陽遮害亭放河
使之入海潘季馴曰民可徙四百萬歲運將安達蓋漢不行
運明行運也河防要覽亦曰上古土廣人稀故殷避河患至
五遷其國都後世人民稠密爲無可徙之理愚按漢時河決
放使入海西薄大山東薄金堤今河決在北則灌張秋濟寧
魚臺金鄉徐邳桃宿決在南則灌淮揚下河諸州縣亦將徙
其民令漕船不行此乎此說之必不可行者也

又言治河中策謂多穿漕渠使民得以溉田分殺水勢張氏曰
河水重濁號爲一石水而六斗泥今諸郡民皆引河水灌田

春夏乾燥少水時也故使河流遲滯淤而稍淺雨多水暴至則溢決可順其性勿復灌漑則百川流行水道自利潘季馴曰此法行于上源河清之處或可以下水少沙多一灌田中禾為沙壓尚可食乎且河水經行之處未有不病民者愚按河流渾濁非極迅溜即至停滯枝河一開正河必塞且濁流溉田亦不利徒增一紛擾耳所以樞譚新論禁民引河溉田非無見也

又謂多開水門以殺河勢潘季馴曰河流不常與水門每不相值或併水門而淤漫之且所溉之地亦一再歲而高矣使將

何如哉况早則河水已淺難于分溉漚固可洩而西方地高
水安從往

又謂治土而防其川猶止兕啼而塞其口李馴曰河以海為口
障旁決而使之歸于海正所以宣其口也

漢世河決議者常欲求索九河故道而穿之愚謂禹時九河本
洪水所自播譬如覆水于地任其所之各擇低處流行有不
知其然而然者及隔時日更以水覆于地觀其流行之處即
已不同于前况經千載後他處覆水而謂流行之迹必如此
而後可亦不達於理矣

韓牧言治河縱不能九但分為四五宜有益不知河之有分支
乃河之病或當上流氾濫時不得已而任之或當下流大潰
時不得已而通之者也若無事時方藉其併力刷沙豈可更
分其勢使之力愈微而流愈緩以致下流沙積而上流遲滯
橫決之害可計日而待矣

漢書自宣房後河復北決于館陶分為屯氏河廣深與大河等
因其自然不隄塞也此河通後館陶東北四五郡雖時小被
水害而兗州以南無水憂此即禹斷二渠之意亦必相時度
勢而後可用也

宣帝時鄆昌穿東郡直渠、通利百姓安之此後世開直河之始也

平帝時河汴決壞水門故處皆在河中明帝時遣樂浪人王景治之築堤修碣起自滎陽東至千束海口千有餘里防遏冲要疏決壅積十里立一水門更相洄注無復潰漏之患治之三年渠成此與戰國齊趙魏作堤禦水之法相似

成帝時河決館陶東郡河堤使者王延世使塞以竹絃長四丈大九圍盛以小石兩船夾載而下之三十六日河堤成是即今之埽也

三國

魏鄭偕言水由一路往昔豐腴十分病九良由水大渠狹更不開瀉衆流壅塞曲直乘之所致也

五代

周顯德初河決楊劉宰相李穀治堤自楊穀抵張秋口以遏之水患少息然決河不復故道離而為赤河宋太祖將治之議者以旧河不可卒復力役且大遂止但詔民治遙堤以禦衝注之患其後赤河復決七州罹水災

宋

太祖時詔旁河州郡長吏並募本州河堤使

又詔旁河州郡長吏課民樹榆柳及土地所宜之木

開寶初河決太祖下詔有習河渠之書者許附驛條奏時魯人

田吉纂禹元經十二篇召至闕下詢以治水之道用之木裁

決河皆塞

真宗咸平三年詔緣河官吏雖秩滿湏水落受代知州通判兩
月一巡堤縣令佐迭巡隄防

陳堯佐知滑州以西北水壞城無外禦築大堤又疊埽于城北
護州中居民復就鑿橫木下垂木數條以護岨謂之木龍當

時積焉

李若谷知安豐民有盜決陂堤者若谷下令自後隄決不得起夫獨胡潏河之民使之先築樊遂止

熙寧時選人李公義獻鉄龍爪揚泥車法以潏河王安石又令別製潏川耙人皆知其無用安石獨善之為置潏河司潏川耙以圓扒八尺橫于中以鉄為齒、列三兩端有輪以舟駕之行淺水中舟過則泥去

鉄龍爪揚泥車用鉄數斤為爪形以繩繫舟尾而沉之水篙工急棹乘沉相繼而下一再過水已深

熙寧中曹村河決程顥使善汭者啣細繩以渡決口水方奔注
達者百一終能引大索以濟衆兩岬並進晝夜不息數日而
合其將合也有大木自中流而下顥顧謂衆曰得巨木橫流
入口則吾事濟矣木果橫流人謂至誠所致以上治河法
李至陳分河六派之議時朝臣取奏云派之為六則緣流就下
湍急難制恐水勢聚而為一不能各依所導設必成六派則
是更增六處河口悠久難于堤防

蘇軾言河性急則通流緩則淤澱既無東西皆急之勢安有兩
河並行之理縱使益行未免各立隄防其費又倍矣

程泌謂禹因地之形逆設為九河凡河之通則不建都邑不為聚落不耕不牧以防其決故謂之逆河新論王平仲亦如此云

徐積謂河勢湍悍行之地中則可行之地土則是反水之性張水之勢而肆其暴從而為堤防堙塞之計則築垣以居水也徒迫其勢而激其怒耳安得不決莫居畧依古法分為數道隨其所趨而利導之寬為河身縱其游衍而不壅塞則河患庶乎少矣愚按分為數道即後世開分水河之說寬為河身即戰國傍河為堤之說以上開支河

澧州河決李仲昌欲塞商胡決河挽河復橫隴故道歐陽修上
言縣降決水九年無功而得洪範五行之書知水潤下之性
乃因水之流疏而就下水患乃息然則以禹之功不能障塞
但能因勢而疏決尔今欲逆水之性障而塞之奪河之正流
使人力幹而回注此大禹之所不能也不聽卒挽之六塔河
不能容是夕復決漂沒苗蕞人畜俱以億計

宋時挽河而河大決元曾魯挽河而河仍北徙蓋逆水性而
強為之其不可行也明矣

宋史謂河通虎牢奔平壤勢益雄放無崇山巨硯以防閑之旁

激奔潰不遵禹迹故虎阜迤東距海口二三十里恒放其害
宋為特甚始自滑臺大伾塞兩經泛濫復而旧迹乃一時河
臣建議必欲回之俾復故道竭天下之力以塞之屢塞屢決
由不能順其就下之性以導之故也 以下枕河

歐陽修書河本泥沙無不淤之理淤常先下流下流淤高水流
漸壅乃決上流之低處此勢之常也然避高就下水之本性
故河流已塞之道必不可復潘季馴曰修之言未試之言也
按漢元光中河決瓠子注巨野隔二十餘年武帝塞之復禹
舊迹何云故道不可復乎且即以神禹言九河曰疏濬決排

皆去其壅塞而通之初未嘗有另開一河之事即能另開能使深廣一如舊河乎且故則淤新則不淤亦無是理也河開新元豐四年河決小吳埽注御河神宗謂輔臣曰河之為患久矣後世以事治水故常有碍夫水之就下乃其性也如能順水所向遷徙城邑以避之復有何患按此即賈讓之說當今行之恐有未便此已下皆然論

王存奏言自古惟有導河并塞河導河者順水勢自高導今就下塞河者為河隄決溢修塞令入河身不閒幹引大河令就高行流也

張商英謂治河當行所無事一用堤障猶塞兗口以止其帝也
此為宋人作堤障水東行之失而言非言隄障無益也商英
擬舉河事陳五策二曰復平恩四埽四曰築御河西隄而開
東堤之積何嘗不從事隄障乎

任伯雨謂河流混濁淤沙相半流行既久遲遲淤澱久而決者
勢也為今之策止宜寬立隄防約攔水勢使不大段湧流耳

河決蒲口尚文謂蒲口河岸南高於北功不可成按今之計河
西郡縣宜順水性遠築長垣以禦泛濫歸德徐邳民避冲潰

聽從安便被水之家量于河南退灘地內給付項畝以為永業異時河決他所者亦如之亦一時救患良策也蒲口不塞便元主不從塞之復決

至正十一年黃河北決賈魯謂必塞北河開南河使復故道後不大興害不能已卒塞之踰十五年而河仍北流

歐陽元至正河防記云水工之功視土功為難中流之功視河決為難決河口視中流為難塞十丈之口視百丈之口為尤難北岸之功視南岸為難

明

明總河勅命云命爾前去總理河道其黃河北岸長堤并各該堤岸應修築者俱要着實用工修築高厚以為先事預防之計可知黃河兩岨隄防北邊為尤重故勅命者言之又崑山之先事豫防正防其決入運河為漕患也

孫承澤河記載萬恭言行河有八因、河未泛而北運因河未凍而南還因風南北為運期因河順逆為運道因河安則修堤因河危則塞決因冬春則治堤因夏秋則據堤防守、有二曰官守曰民守防其四曰晝防夜防風防雨防有三策夏秋水發運舸渡河漕既愆期河無全莫是為無策運舸入閘

國計無虞黃水噬堤隨缺隨補是為中策四月方終舟悉入
開夏秋之變河復安流是為上策

明潘李馴云治河者無一勞永逸之功惟有救偏補弊之策不
可有喜新炫奇之智惟當收安常處順之休毋持求全之心
苛責以最難之事毋以束濕之見強制乎不側之流毋壓已
試之規遂惑于道聽之說循兩河之故道守先拙之成矩即
此便是行所無事舍此他圖即孟子所謂惡其鑿矣

李化龍云黃河者運河之賦用之一里有一里之害避之一里
有一里之益又云開淤後但北守太行堤南守隋隄中間蕭

碭豐沛所在各高隄防以自救任河海衍容與于其中所省不貲已

黃河之性合則流急分則流緩急則蕩滌而疏通緩則停滯而淤塞故以人力治之則逆而難以水力治之則順而易

好事者謂故轍之不可循輒為穿鑿之圖以亂其性是挑釁也
怠事者謂河流之必不可治每為因循之說以泯其患是玩寇也

潘季馴曰水性不可拂河防不可弛地形不可強治理不可鑿人欲棄旧以圖新而愚謂故道必不可失人欲支分以殺勢

而愚謂濁流必不可分又云河性湍悍善徙者水漫而沙塵也法莫若以堤束水以水攻沙循河故道束而湍之使水疾沙刷無留行而又近為縷堤、之外復為遙隄自不至于大決矣

又云築堤似乎阻水而不知力不專則沙不刷阻之者乃所以疏之也合流似乎益水而不知力不弘則沙不滌益之者乃所以殺之也旁溢則水散而淺反正則水束而深水行沙面則見其高水行河底則見其卑故有借水攻沙以水治水之說

全殺中云若謂水馴于分湧於合恐其合而湧也則隄址既遙而奔騰可恣是寓分牙合矣若謂胡不用藩而仍用築也則築堅而水自合水合而河自深是藏藩于築矣若謂胡不使黃誰分背而乃使誰助河勢河扼誰勢也則合流之後河即大闊蓋河不決固自深得誰羽翼則益深是用淮于河矣若謂河決為大數不可以人力強塞然既塞之後河即安瀾是全天于人矣若謂胡不創開一渠而拘、膠桂為也則二百里紀之故道夫儲之懿規本無庸創而自今復之是無創於守矣若謂開渠之復行旅稍滯然河渠既莫而行旅益通何

便如之是舍速于滯矣

潘季馴曰濁流易壅洩于決則必壅于河無兩全之道

又云治河之法惟有慎守河堤嚴防冲決舍此而別興無益之工即為勞民舍此而別為無益之費即為傷財其要總在得人以上總論

弘治時白昂治原武決河為集陽武長堤以防漲秋引中牟之決入于淮浚宿州古睢河達于泗由是河入汴由睢泗達淮以入海又自魚臺歷德州至吳橋修右河堤又自東平至興濟鑿小河十二道引水入大清河及古黃河以入海水患寧

景泰時河決張秋徐有貞曰河方決而欲驟埋則潰者益潰淤者益淤請先疏上流水勢平乃治決、止乃濬淤多為之方以時節宣俾無溢涸必如是而後有成

徐有貞塞一決口下木石則如無知其下有龍穴為鎔鉄數萬觔沸而下之龍徙去決口遂塞

又高郵湖堤為屯所嚙常崩塌知州取石灰數百担投于堤下灰化水沸殺屯無數所遂不崩

弘治時河決張秋劉大夏督治之時河流湍悍決口甚闊大夏視之曰是下流未可治、上流先導之南行且築長堤以防

大名山東之患候河稍循軌而後決可塞也於是役夫開孫
家渡新河引河水由中牟至潁州東入淮又浚祥符四府營
淤河由陳留至歸德分為二派一由宿遷小河口一由亳州
渦河會于淮又于黃陵岡南濬賈魯曰河四十里由曹縣出
徐州又築長隄起胙城經滑縣長垣東明曹單至徐州即今
太行堤長三百六十里改清河口河道由宿遷小河口入淮
已又改由徐州小浮橋入淮而河患寧自此大河分四股流
行又于沿張秋兩岸東西築臺立表貫索網照巨壚穴而
空之寔以土至決口去壘沉壚壓以大埽合且復決隨決隨

築晝夜不息遂塞緣以石堤隱如長虹

明臣言河水伏秋有三候六月其始漲時也七月其大漲時也至八月而衰矣故當其盛也宜謹避其鋒急保埽壩固守諸要害然河非持久之水也每泛漲一次不過三四日旋落矣俟其水勢稍落机有可乘當用搶終之法急補塞至若水勢漫散決口既難驟塞而奔流又無從洩此時只得用周亞夫以梁委吳楚之法始少嘗之以殺其勢仍候水信以為工程可也

自臨清至皂河口皆開河也常居敬云開河出口無往而不會

黃則無往而不受淤非能由此則淤由彼則不淤也因請于
出口處創建三閘通互啓閉以放船隻縱有淤淺不過十數
丈旋濬旋放無難也

隆慶四年九月河決小河口自宿遷至徐州三百里皆淤時漕
政不修糧船五月始入淮八月始入閘九月猶在河一遇水
決糧船漂損八百隻漕卒溺損千餘人遂議海運時提河萬
恭疏云黃河自西而東淮自南而北會于清河口東南入海
夏秋海潮既盛河復騰湧河不得入海逆流入淮不能敵
故河水倒流而泥沙一擁遂致淤淤既淤則必冲疏土而決

之矣。今惟疏其下流，擇其決口水，將自順毋煩多謀以汙勞費。未久河通如所言，海運遂停。

潘河爬用平底方船，橫排河中為一層，四維拴繫以長柄鉄爬，濟之，數尺移船，再潘復數丈，復為一層，如前法。則水中與陸地施功畧同。

河道都御史李如圭奏：打造上中下三等船隻，置造大小鉄扒，鐵分發各河官收領，遇有淤塞，即便督率人夫撐駕船隻，用心扒沒堅硬處，則用鉄鉗務使泥沙隨水而去，河道通流矣。

河道侍郎王以旂亦云水發之時多置混江龍鉄扒往來疏濬
潘季馴云扒撈挑濬之說僅可施之于牌河、身廣濶撈沒
何從得激湍流器具難下使費工料後提河劉天和又師其
法用之頗著功效事又未可一律論也 以上治河法

永樂十年工部主事簡芳奏緣河新築護岸埽座止用蒲繩泥
草不能堅久臣謂若用竹編成大因若欄閘然置之水中以
椿釘中寔以石脚以橫木貫于椿表牽築堤上則水可以殺
隄可以固而河患少息 以上治河法

宋濂謂比歲河決不治以中原之地平曠夷行無彭蠡洞逕以

為之滙故河常橫潰為患其勢非多為之委以殺其流未可
以力勝也自禹治水之後無河患者數百年以大伾以下醜
為二渠至于大陸播為九河入于渤海蓋河流分而其勢自
平也今河合汴泗南流而欲使一淮以疏其起勢萬無此理
莫若浚入旧黃河使其水流復于故道然後導入新濟分其
半使之北流以殺其力河患庶幾有瘳乎

霍輅謂自古黃河東北入海今衛河自衛輝東北至天津入海
猶黃河也今圖便宜之策由河陰原武之間擇地形便道引
河水注于衛河南北分流水有所歸可免潰決之患且使黃

河環繞畿甸亦可壯京師之形勢舟楫通利南北又可增一運道萬世無窮之利也

張元禎云聞黃河以北多有河流旧身宜因其旧身開為數尺以達平原及直沽等處一可以殺直奔安平之勢一可以引資淮既如此將不准運河無恙而北方免旱溫之灾昔禹疏下流為九道而納之海理同勢同也

永樂十年宋礼奏請于德州開小河十三里通舊黃河至海豐縣大沽入海凡四百五十七里

楊一魁謂國家運道原不資于河全河初出毫壽之界以不治

治之故歲無治河之費其金河漸決入運因遂資其灌輸五
十餘年久假不歸又日築垣而居之滴滴不容外洩于是濁
沙日激河身日高上逼汶泗則鎮口受淤魚豚被浸下壅清
淮退而內瀦時泗為魚今若空碭山一邑之地北導李吉口
下河河南由徐溪口下符離中在盭鹽河下小浮橋三河並
行南北相去五十里任水游盪以不治之量蠲一邑千金
之賦可歲省修河萬金之費亦一時省事之策也

咸熙期云黃河遷徙不常其性避高就下非多為之安以殺其
流未可力勝也

吳鵬謂徐邳一帶頻年冲潰湮淤之患皆上源少分殺之故耳
于徐州上流相度舊道擇其便利者疏濬支河一二以分殺
水勢為水利愚謂河自出龍門後沙多水少必得他水之清
者入其中助之刷沙其流方速而無滯今河方若無水以致
沙停流緩乃議者反欲開支河以洩其水寧有不淤者乎誠
如此語高堰之決正可藉以分殺淮流何為必欲塞之并注
清口以助河刷沙乎

世法錄曰秦晉峽中之河可以多穿別渠若入河南水匯上疏
大穿則新河洩而自淤小穿則水不赴水通即為平陸矣夫

水專則急分則緩急則通緩則淤治河者但當使之合俾勢
急如奔馬吾從而順其勢隄防約束以入于海淤安得停淤
不得停則河深河深則水不溢亦不舍其下而趨于高河乃
不決故曰黃河合流國之福也

江良材謂引河入衛一時可得兩運道愚謂黃河所在必為之
設官府築隄防功費甚大若復引使入衛二十里之河涯又
將為之設官府修隄防一倍費兩倍于國家何利焉且國家
漕運以假道于河每事掣肘特開新河以接泇溝之運而避
黃河之險若河入衛則自臨清以下漕運步、順行于河中

隄防新造其勢更險于南河一遇水漲南必倒灌會通北必
下淹洶路倘更旁決衛河走泄漕運艱阻彼謂一時得兩運
道愚謂併一運道失之計之決不可行者也

萬曆時河自桃源崔鎮決高家堰灌下河運道阻滯時議欲開
支河以殺水勢而濬海口以通之潘季馴曰海口潮汐之所
從往來也隨濬隨淤何可濬惟導河歸之海則以水治水導
河即濬海之策之然河又非可以人力導也欲順其性先懼
其溢惟善治隄防俾無旁決則水由地中沙隨水去治堤即
導河之策也

潘季馴曰黃河最濁以斗計之沙居其六若至伏秋水居其二矣以二升之水載八升之沙非極迅溜必致停滯蓋水分則勢緩勢緩則沙停沙停則河乾河不兩行自古記之支河一開正河必奪故草橋開而西橋故道淤崔鎮決而桃清以下塞崔家口決而秦溝遂為平陸近事固可鑒也以上同支河盛應期請改河道疏治河有四曰疏曰築曰濬曰改疏者疏上流而殺之也濬者濬故道而順之也築者築長堤而障之也改者改別地而不與爭耳夫上流不殺則決口不可塞長堤不可築而河防不可成河防不成則淤不可濬而故道不可

復此今之漕河所以不容不改也

曾如春開黃茨口河以挽河流無如新河雖深其下反淺又而決河廣八十餘丈而新河僅三十丈不仕受或告之曰河流驟回勢如雷霆藉其自然之勢以沖之何患淺者之不深如春遂令放水河流濁下皆泥沙流勢稍緩下已淤半矣一夕水漲河遂大決

崇禎時劉綎嗣以駱馬湖阻運自宿遷至德州開河注之黃水渾濁朝夕遷徙不可以舟河事大壞愚謂元明漕運假道於河已為非矣尤失策者引河入會通以濟運大會通河係元

人所聞灌以汶河及諸泉之水勉強而後成之一綫咽喉常虞阻塞黃河渾濁可引以注之乎即或漕運淺澁不得已假以相濟終是燭酒止渴之計為患非淺小也

潘季馴曰議者欲舍旧而圖新無論旧河之深且廣鑿之未必如旧即能如旧數年之後新者不旧乎假令新復如旧將復斯之何所乎水行則沙行旧亦新也水清則沙塞新亦舊也河無擇于新舊也借水攻沙以水治水但當防水之清無虞沙之積也

又曰河底本深沙墊則高理所有也然以之論于旁決之時非

所論于河水歸槽之後若旁決則水去沙停其底自高歸槽則沙隨水刷自難墊底但沙最易停亦易刷卽一河之中湍頭趨處則深平緩處則淺此淺故深故挽水歸槽之策必不可緩而欲挽水者非塞決築堤不可也自梁迄今河之墊而疏、而墊者不知其義豈可以此而遂欲棄故河哉彼言沙底墊高者乃故道難復之根而故道難復者乃別尋他道之根此說最為膏肓之病治河者審之 以上改新河

有議引黃沁濟運者云汴梁陳橋原有黃河故道其河北由長垣縣大崗河經曹州至巨野縣界出會通河合汶水通臨清

每秋水漲有船往來若開溝深澗亦可分引河沁二水以通
運河

劉天河謂汶泉之流遇旱則微滙水諸湖已涸而狹無已吾寧
引沁注之而限以斗門潞則縱之俾南入河旱則約之俾東
入運易于節制為萬全也

胡世寧謂開沁水至荆紅口分流一道六十里通衛河是河
因沁可以通衛也且黃河與衛河亦相去不遠宜差官踏勘
荆紅口及陽武上下相度地勢相應處所開掘一河北通衛
輝撥附近糧船于此習運以防會通河一時之塞亦國家之

長計也當時覆勘之言云沁水河身寬一里有餘衛河、身
不過三四丈先年曾遭沁水沖開木欐石蓮花池隄口附近
地方俱受淹沒流入獲新二縣城門俱用土填塞衛輝府城
中行舟沖倒民房八十餘間壓死男婦無算若令入衛二水
合流勢必滔害又云衛小沁大其勢難容衛清沁濁未流必
淤先年沁河一決而臨清東昌等處遂至淤塞非惟不減黃
河之害反增運道之阻斯時誰咎誰其任之且地勢高下懸
殊必須開創河身沿河築堤其費不貲而伏秋水漲橫流滔
天害又不可不慮也

以上引沁水

有建分淮導黃之議者于碭蕭徐三州縣建立五埧南所導入
睢湖由白洋河歸黃北所導入閘河由路馬湖歸黃分流二
三百里復由宿桃會合又于宿桃清安北所連建八埧減水
從倉顏等湖由沐連二湖入海則黃之大勢北行而不復東
矣于武墩高岡周橋古溝唐埂等處添減水壩六座寬一百
八十餘丈洩洪澤湖水入高寶諸湖于高寶江三州縣添減
水埧八座寬一百九十餘丈洩諸湖之水入七州縣則淮之
大勢東行而不復北矣黃不復東則徐州以下之流弱而河
身高淮不復北則黃水倒灌以逆入于運河而清口之淮不

出河身既高淮水又分以平流之水仰而攻建瓴之水勢必不能其法宜先深河後導淮閉碣徐蕭三處所建五填使南北兩岸之水俱還大河則宿遷以上之黃河深再閉枕宿清安四處所建八填使循旧河悉由安東入海則宿遷以下之黃河深河深則河低于淮然後盡閉高堰諸填使淮水悉由清口會黃則黃河之沙可刷而海道常通矣

有謂開枕深黃填新河自黃家嘴起至五港灌口正分洩黃水入海以抑黃強

有謂開清口沙建武家墩經河開泄淮水由永濟河過往河下

射陽湖入海

有謂治水猶治病、有標本藥有緩急淮黃之病初因草濶之
開宣洩不利致黃流上壅繼因黃流之壅遇漲遇阻遂致淮
流下決尋因淮流下決清口空隙河水乘而上演遂致有限
門沙之勢至沙勢隄防淮壅而潰為患遂添今欲為治標之
圖則導河南下大破曲防諸潰俱洩勢便而切甚易若清口
之壅如故則病根原在欲為治本之圖則當分黃他避淮流
無侵功大而利遠從之而功成此即開分水河抑強助弱之
說也以上分導黃淮

有謂黃河水落之時截住上流力薄河身之積淤河中必見老
底兩岸必見老岸則水由地中而缺口自出河底既深則兩
岸即堤岸外即田矣潘季馴曰河底深者六丈淺者三四
丈濶者一二里濶者百餘丈沙飽其中即以十里計之不知
用大若干萬名為工若干歲月可挑之沙不知安頓何處縱
使其能挑而尽也堤之不築水復旁溢則沙復停塞可勝挑
乎以水刷沙如湯沃雪刷之云難挑之云易何其愚而拘也
以上憑黃河

李如圭奏河至河南兩岸無山地旱土疏濬之各處山水皆起

于河故河多決愚謂不然夫河流渾濁全賴他河之清水注之則水多而可刷沙淤澤以下一河獨流直至徐州並無他水入之故水力益微泥沙日積黃河南遷之後無十年不決者端在于此乃反咎山水之多謬矣且河之多沙而善決自是水性非閼土地疏惡今河行之道本昔南清河及陰溝陳水所流行之地當年以清水性之注而澄流通利千載安瀾及灌之以濁流而沖決汎溢復之則最漫而沙停急之則漲然而壅斷無一日之寧也黃河南遷豈非民物之一大害哉或問河既隄矣可保不復決乎復決可無患乎潘季馴曰假河

決何害哉蓋河之奪也非以一決而即能奪之決而治正不
河之流日緩則沙日高沙日高則決日多何始奪耳今之治
者偶見一決鑿者便欲棄故覓新儒者輒委之天教議論紛
起年復一年幾何而不至奪河哉今有遙堤以障其狂有減
水填以殺其怒必不至如往時多決縱使偶決水還復塞還
槽循軌可以日計何患哉

又曰綏遠二堤俱為防河善法但宿遷以南有遙無腰獨直河
以西地勢卑窪歲、患水宜將堤虛圍堅固却將腰堤相度
地勢開缺放水沙隨水入地隨沙高底消患而費可省

又曰自夏鎮開迄南起經李家口等處挑開裡河一道計七十餘里從滿家開西欄河一填使汶泗上源之水盡歸新挑河不得洩入諸河以致勢分力弱又于李家口設減水壩以洩沛縣積水將仍前議新砌湖邊石堤移建東岸以當風浪則新河既可隔絕湖水砌石又可捍禦河堤于運道民生兩利非淺

世法錄云市稍素擅淺剝之利每當挑濬時于中作弊常有渠莊挑濬而無效者宜嚴為禁罰之重挑庶不敢作弊而重運有賴矣 以上稟說

國朝

谷應泰河決論云河之決必在河南既決之後不南漫全淮即
北冲齊魯冲全淮者潰散于頓亳徐宿而害在田廬民業冲
齊魯者橫激于曹濮單野而患兼在運道隄防然淮近而身
大決入淮者患小而治速漕速而身小決入漕者患大而治難
總河靳輔疏稱堤離河近設有潰決必至奪河為患又稱徐州
以西之堤雖不若徐州以下之頂冲危險然攷決亦多祇以
離河甚遠即有漫冲亦不至于奪河妨運揆此則堤之宜遠
不宜近可知矣而必欲旁河築堤費數百萬金錢于一省

者何耶

新魏河、防要號云海口漸高則黃流漸緩漸緩則泥沙壅墊
漸成平陸今舊河之高原較之缺口之卑下相去幾及二丈
乃欲以二丈以下之水挽之使行于二丈以上之河其勢寔
難況前此決口在徐邳豐沛雖云衝突不過慢行旧時究無
容洩之處其勢易于收攝若今之決口在桃宿去海不過二
百餘里下既有所宣洩上流因之益加迅利將全河之水尽
出于此非一時決口之比決口可塞全河不可塞奈何以塞
決口者併塞全河哉

河防要覽云黃淮二潰故也然黃強淮弱淮少弱黃即棄虛而
內灌因壘般黃濟淮之策建減水堤于徐州南岬隅黃河漲
水由靈芝孟山等湖以入洪澤而助淮如遇淮漲而黃消則
淮自足以敷黃而閉堤無可過之水如遇淮消而黃漲則閉
堤所過之水分流並至即借黃助淮以禦黃而淮之消者亦
漲倘更遇淮黃並漲則彼此之勢略等有中河以洩黃周橋
六堤以洩淮亦不偏強為害又云通開堤之水其流必不緩
又越數百里歷諸湖而入安能淤洪澤為平陸又云黃水淤
靈芝諸湖可以變沮洳為沃壤不徒去害更可獲利愚謂黃

河渾濁所過必淤往年河出齊魏將高陂鴈鵠等泊俱淤為
平陸金時河南徒將數百里渚水之梁山泊淤為平陸往事
可考今洪澤湖其大不如梁山泊固所藉以蓄清水助淮刷
沙者也安可使渾水入之雖云河流迅急沙不遽停若越數
百里盤旋諸湖而入洪澤則流必緩而沙必停矣且黃水上
流可以淤灵芝諸湖為沃壤其下流勢益緩宜反不能淤洪
澤一湖為沃壤若洪澤不免淤為沃壤則向來所稱積水助
淮以刷沙者復何藉乎況今洪澤湖與淮河故道合併為一
湖即淤淮之水且自阻其咽喉出水不便而又何以救黃

乎此殆不能無慮者也 又云當時湖底深而能納雖不築堤湖水常低于岸自黃流倒灌之後湖底墊高湖水亦因之而高非惟清口力分無以殺黃而淮反引黃以俱東如此其可引黃濟淮乎以予之矛盾予之有當無以解也

臺臣阮一則河流當冬春之交大抵歸回溜侵刷堤根其水勢行緩之處必淤成灘洲雖南則水射北灘北則水射南勢使然也及夏秋水至河勢高于平地前此侵攝之處竟成頂冲捍勢持虛何所不至所賴先期相度于水勢未發時鳩集丁衆預鑿灘州壅阻之區引為支流俾水勢順從始可于受冲

之處下埽加上以固堅完若至河水發時便無從措手足矣
又云故明時堤上俱有合抱大柳枝葉茂鬱故雖有工程採取
足用今皆無之故採辦難宜令該地方沿堤種植數年之後
必成拱把樹根既可葺堤枝條亦可搭埽倘有工程緩急可
恃矣

又云故明時濱河州縣俱有柳場草廠及支麻蘆纜堆積之處
額設廠書廠夫以司登記守視之後歲時有司查驗物件察
其勤惰枝儲條不致朽腐而需用無煩疾呼

慈河張鵬翮進治河上諭事宜云尽折欄黃埧以導黃埧海廣

潤清口堅閉壩以來淮數黃而淮黃交會矣增築挑水壩加
挑陶莊引河通黃溜北而清口安瀾矣堵邵伯更接漕淮揚
裡河改新舊中河開人字涇澗等河以利轉輸而漕運通行
矣開婦仁引河以導淮水制黃而上流之沮洳悉闢矣漕艘
藉等河以引積水入海而下流之巨浸盡消矣塞時家馬頭
築河堰堤岸以資捍禦而隄防鞏固矣宅戚家堡楊橋在等
河以排灣曲而黃流直瀉矣又親臨河上指授善後机宜改
中河出水口門于楊家莊俾無通溜使南運口無倒灌之虞
矣建龍窩等處挑水壩使溜不掃灣以保隄防而險工無恙

矣開鮑家營引河洩黃異漲之水以制都宣而清黃並漲淮
揚保障有資矣絕期清水出而制黃益深制黃益深而清流
益暢

張總河欲于五河縣北開河導淮水出歸仁堤外直冲清口謂
之溜淮套以免洪澤高堰之決奏上 車駕親詣閱視時已
指辨工料惟俟 俞旨先于所開鑿地極土作埃記之以灰
用表將來河道 聖視見之以為發掘民間坟墓大致詰責
事遂寢

聖祖閱視河工擬于清口之東作一段石砌以遏黃水南侵務

使東流出海誠善策也無如奉行者作礪稍長反阻黃水東
行之路因溜向南大為清淮阻滯及復春改短而後黃流無
阻淮水流行此中机宜雖尺寸不可漫嘗也

河防一覽云中河郎中陳瑛創建古洪內華二閘每遇黃水暴
發即下板以遏濁流而閘內無壅阻之若黃水稍落則啓板
以縱泉水之出而閘外有洗滌之功去伏稍失開閉之防遂
至漂壅失常屢懷 當宁觀此而通濟閘之關係可類推矣
新搃河乃謂不便而廢其制殊于計矣

明平江伯置天妃閘于滙河使淮水自內而出如離弦之弩其

勢已不可留餘滙入閘濟運其大溜直入黃河而護閘刷沙
故沛然莫禦水無淤墊後乃天妃閘而望湖而七里而革改
壩本以避黃迎淮免內灌之患不知淮勢已弱又分四通引
河其勢更緩淮水方未革堤吸掣而涓滴餘淮爲能救黃既
無淮水入黃而黃日墊高黃既墊高下壅上決海口淤漲且
黃水發時盛淮弱流而湖口淤運河灌矣此則河患之根而
民生昏墊之原也宜于重運過冬之時做天妃閘舊例閉塞
運口務使淮水併力刷黃定爲要策若不行此反欲堵黃刷
運一線運河爲能容受大淮之水勢必漲漫既而下建清江

淮安必將受惠此策之不可行者

河臣因清口淤河決高家堰下河七州縣被災奏言海口高于雲梯閘五尺距海口常引潮內灌不便欲于車邏鎮築橫堤一道抵高郵再自州城起築大堤二道須高一丈六尺歷興化白駒場喻范公堤至海口放水需銀二百七十萬揚人每築枕奏謂下河七州縣已被水淹水在土上高數尺百姓安能從水底取土築一丈六尺之堤且堤高一丈六尺比屋宇還高障水至此尚有疎漏潰決民皆魚鱉矣此議因而中止未幾海口亦不濬自通至今流行如故可知前者水高二丈

之說即是築堤文六之說俱不足深信也

康熙六十一年 上諭云朕于河務尤極留心先年高寶下河
一帶地方因歲歲全皆被水淹小民流離困苦之狀目不忍
見朕六次閱視河工曾于大雨之夜往來高家堰不辭泥濘
河官皆不能從故于河上情形知之甚悉爾時張鵬翮差往
河上深懷疑懼朕示以方畧且諭之曰但遵吾教河工自成
必不累尔身朕張鵬翮恪遵朕訓黃淮就治累奏安瀾將四
十年今人幾不知有泛漲之事矣去秋河南武陟縣黃河沁
水並漲冲决馬家營堤所自直隸開州長垣流至山東張秋

鎮以致運河堤決潰船阻滯朕深知地勢高下繪圖指示諭
令將運河堤岸果加修防不可竟堵塞其武陟縣缺口當于
上流築挑水堤使大溜歸入河身易于成功違官違旨堵塞
不及一月斷流告成百姓皆得安居朕伯行議引沁濟運與朕
意違今後朕賜勦奏地形高下引之必有遺患其理甚長速
傳前議朕以至公處事初無成見惟言之是者從耳

從來治河築堤不如濬深此舊說也若淮安以南運河則有不
可輕濬者蓋運河地低清口地高平時已有內灌之慮若再
濬深則低者益低勢必必動河流衆高倒灌非惟無益而反

害之故運河不宜輕議濬也

從來運口無住而不會黃故無住而不受淤惟俟黃水落後清水隨而湧出浮沙剝而河道仍通此舊規也若議改易非惟後大費繁且舊河墊新河不能必其不墊也欲避現在運口之淤淤而彼處亦有會黃之運口不能保其不淤淤也黃河水勢不比尋常挽新塞舊大有害萬一不虞後悔何及此策之不可行者

從來黃水四水六沙必借清水之剝沙方能直達海口而無滯自攔馬河開而駱馬湖之水不剝黃而旁洩矣自中河開而

平河之水不出直河刷黃而隨中河由劉老澗旁洩矣自六
壩開而淮水不能救黃今且清口淤而涓滴不下矣只餘濁
流一股而海水湧溢以致泥沙日漸長上此黃底墊高之田
也其法不宜議分惟議合、則勢強而沙刷河流順軌始無
旁洩之患

淮黃合流之議堵塞上流急復故道則淮不東趨全勢直注清
口而泥沙立別泥沙刷則清口無阻而全淮盡入于黃內而
運道深通淮揚免增堤之役外而黃流湍急水疾沙飛而海
口立開下流無疏濬之勞上流有安瀾之慶一舉而兩黃安

運道通故曰治水之要惟在使全淮尽出清口會黃以趨于海也

要覽云守險之方有三曰埽曰壩曰引河其禦水捷之埽必丁頭而毋橫蓋水堅鋒利橫下埽則小擦而靠大碇必折也然埽灣之處丁頭埽又兜溜而易冲必宜用順埽魚鱗櫛比而下之然後可以挽溜而固堤至于分危急埽不能禦則急于上流築通水埽回其溜而注之剡沂或兩三道若止一道恐河性悍烈埽一推而堤即不可救也若開引河必酌堤形而為之如正河之身進而曲如弓之背引河也身徑而直如弓

之弦則河流必舍背而趨弦險可立平若曲折遠近不甚相懸河雖開無益也據此即古之所謂直河

欲疏下流先固上源欲道旁支先防止道故當塞決以挽其趨築道堤以防其決建減水壩以殺其勢而保其堤以上皆論沁水濁只宜入河不宜入運

漳水濁宜任其北流若入衛河若阻塞運道

黃河北岸逼近漕渠關係甚重

翟堤古溝陂而不隄可以洩泄漲也

婦仁堤作滾水堤則雖水不惟無助黃刷沙之効反添淮水之

漲

海口不宜多開從來近海之河涓滴足以救潮則免海水內灌
不然內地空虛桑田變作鹵矣

引淮濟淮之說不可行 改海口之說不可行 作攔黃堤之
說不可行 黃水不可迎、則入而奪之 宜使裡河高著
黃河不宜使裡河低于黃河

以故下河水患不抵范公堤 以洩水必要築斷高家堰專導
淮水入黃併力刷沙使黃河先深然後徐導運河之水乃從
清口入黃則無此患矣

治河者必先求河水自然之性而後可施疏濬之功必先求古
人已試之致而後可做其平治之業

以水治水 塞決河以挽正河 水中不能取工 築堤以

杜清決 復開堤以防外河之冲 建滾水堤以固堤岸

相傳鉄龍爪濬川紀係宋臣所作當時以為笑談明臣亦謂佳
用之于開河不能用之黃河今據靳提河之防要覽云堤岸
不集不用鉄掃帚等器設法加浚河身併濬海口則黃水無
歸是此等器今用之矣 以上雜說

迎涌遏冲之法 當俟掃帚築磯嘴堤通水迎射對岸則此岸之

冲决免矣

架水之法 相擇地勢兩旁築堤泊水中行能使低水頓高凡
今黃水行於地上築堤以居皆架水也然必來源本高乃河
以架否則不能治河知此法則高下在我建瓴而下可以利
沙可以却滄以上治河法

歷代漕運考

東南玉粒輸貢京師建都不同運道亦異元明完貯燕京我朝因而弗改然漕道所經有因有革亦因時制宜期於妥善而已為作歷代漕運考

元

世祖既定江南漕轉之路自浙西入江淮由黃河逆流至於中漕登陸運至淇門復登舟白運河至燕京

至元二十年以江淮水運不通乃命尚書李奧魯赤等開濟寧州河達于東平州之安民山凡一百五十里北自太安州為

一開導汶水入洸東北自兗州為一開過泗沂二水亦會于洸以出于濟寧之會源開分流南北其西北流者至安民山以入清河故瀆經東河縣濟南府至利津縣入于海復由海進直沽口從潞河中上水達通州 後利津河淤從東阿陸運二百餘里抵臨清州復登舟由御河達通州

至元二十六年以壽張縣尹韓仲暉言開安民至臨清州二百五十里運河是為會通河終元世運道由之與海運並行而不廢

明

太祖都金陵江淮之粟不復入燕會通河淤

成祖永樂元年復轉江淮之粟餉燕運舟由江入淮由淮入河
至陽武縣改運至衛輝入河并登舟運至燕其轉江淮之粟
餉遼東者由海運亦餉燕都蓋亦河海並運也

永樂九年以濟寧州同知潘叔正言命尚書宋礼濬會通河築
堤東平之戴村遏汶水今出南旺西分徙南以達徐沛六分
徙北以達臨清又相地置閘以司啓閉自南旺至臨清為閘
十七而達于漳御自南旺至沽頭為閘二十一而達于淮
命侍郎金純治黃河故道引水自開封入魚臺縣埽場口會

汶水徙徐呂二洪入淮 遂罷海運專事河運

永樂十二年平江伯陳瑄請鑿徐呂二洪以通漕運更于洪口
建閘

永樂十三年建淮安五閘仁義二閘在省城之東北札智信三
閘在府城之西北今漕運船悉從東北于仁義二閘車盤入
河 置瓜洲閘今江南漕船悉於此車盤進閘入漕河

永樂十四年平江伯陳瑄開沙河田渠置閘通舟入河是為清
江浦大挑開罷仁義二閘車盤其閘三月糧船過畢即封閘
官民船仍于五閘車盤

宣宗宣德七年平江伯陳瑄築高郵寶應諸湖堤以便牽挽又
開揚州白塔河置新開溝家莊大橋江口寺四閘今江南糧
船從常州府西北孟渚河過江入白塔河至灣頭達漕河以
省瓜洲車盤之費其瓜洲溺廢不用

英宗正統四年都督武興奏罷白塔河運道仍令于瓜洲過堤
入漕河

正統七年春將陽節因洪水迅急壞舟建筏于徐州洪之上流
築堰過水悉婦月河于月河南口設閘以儲水通運

正統十三年河決由曹濮冲張秋介通河淤運道阻

景帝景泰三年河決冲沙灣會通河淤運道阻命御史徐有貞治之

景泰四年河漲壞洪口開漕船仍行洪內

景泰七年沙灣決河震仍疏廣濟渠引河沁之水由漕濮范壽

逕張秋以濟漕

憲宗成化四年鑿徐州決以便漕

成化七年河於清江浦蔽復車盤旧制未幾濬通仍開行

成化八年侍郎王恕請治揚州至淮安湖蕩造閘陡引塘水濟

運

孝宗弘治二年河決原武冲張秋運道阻命侍郎白昂治之又
奏開康濟越河四十里于高都提東通漕以避湖患

弘治五年河冲張秋阻運議通海道不果

弘治七年河後冲張秋阻運命都御史劉大夏治之運道復通
弘治十一年河決由曹草入運

武宗正德四年河決由沛縣之飛雲橋入運

正德十六年營河郎中楊最請開宝應越河通漕以避湖險不
果行

世宗嘉靖元年始罷提漕都御史押運進京

嘉靖三年郎中陳觀賢請于宝鹿高郵湖隄置減水坝十座以
殺水勢

嘉靖七年河臣盛應期始奏開夏鎮新河未成而罷

嘉靖二十年二洪淺漕糧運艱阻議復海運悅漕御史始不與
河事

嘉靖四十四年河決阻運尚書朱衡仍請開夏鎮新河凡一百
四十里

神宗萬曆元年河患寧復罷海運

萬曆三年河決高家堰冲清水潭并虞湖堤漕道大壞議開淤

河不果

萬曆四年總河吳桂芳改桃康濟越河并築中堤

萬曆五年吳桂芳遣官增築山陽運堤自板閘至黃浦長七十

里 閉通濟閘建興文閘及修新庄等閘 築清江浦南堤

以禦湖水如河所以禦黃淮 加清江閘以便運舟之牽挽

萬曆六年河巨漲李馴築高堰堤六十里以道淮水侵運 砌

寶應入淺右隄遂通濟閘于甘羅城南使納淮水不接黃水

于是漕運復通仍嚴五閘啓閉運船出口過尽即築埝閉塞

官民船俱由五埝車盤則沙無內漲運道常通

萬曆十二年都御史李世達始脩楊龍川策挑空應弘濟越河三十六里

萬曆十七年總河潘季馴修築邵伯湖石堤

萬曆二十七年河南徙徐邳河運阻絕河臣劉東星每歲冬時於其地開一小河至春夏引水下徐州聊以濟運若是者三年又建六閘于河中節宣山東汶濟之水聊以通漕

萬曆二十八年總河李化龍開泇河二百六十里以迴黃陰漕船至是始不行于二洪

萬曆四十一年開弘濟河南北越河仍建滾水堤二座以殺河

勢

素宗天啟六年河臣李從心開陳濟駱馬湖新河漕船之行于
河者尚二百餘里

國朝

聖祖仁皇帝康熙二十六年開中河二百五里以避黃河之險
於是漕船之行于黃河者僅七里而運道始免濁流之患矣

河性考

山則有砂水則有性黃河迅疾性異尋常順也則安逆之則越日等利便順以導之為作黃河性考

河水濁一石水六斗泥至伏秋時其沙更多相傳有八斗則是
以二斗水冲八斗沙其力不勝焉能免於淤塞

河形曲十迴百折總無直注遇百里者當其水流所冲即防蝕
嘴蝕嘴不已即有冲决其地便湏下埽加築以遏冲頭

河流有涵者水急之總名船至此忽覺水高知棲自上而傾
下千丈挽之不能通亦至此者以為水底地形有高下所以
如此然歲時遷徙不常豈地形哉明萬曆時直河口忽起大
涵至不能通每埽因改溝駱馬漕渠然則涵之險可知矣

河流善徙或南或北遷徙無常夏秋為甚土人謂之河走

河性善怒黃河并合萬餘里千溪萬壑之水澎湃激勢適奔馬陡然遇餓形如檻限其性必怒奔潰決裂所由來也

河水有汎立春之後東風解凍土人候水初至凡高一寸則夏秋常至一尺謂之信水二月三月桃花始開冰泮而積川流猥集波瀾盛長謂之桃花水春末蕪菁花開謂之菜花水四月隴麥結秀推芒變色謂之麥黃水五月瓜實延蔓謂之瓜蔓水朔野之地深山窮谷水堅雪積至夏方消沃湯山石水帝畿腥故亦月中旬之水謂之饔水七月菽豆方秀謂之豆

花水八月荻花謂之荻苗水九月以重陽節紀謂之登高
水十月水落安流復其故道謂之復槽水十一月十二月斷
冰雜流來寒復結謂之覺凌水北外非時暴漲謂之客水皆
當督夫巡守而伏秋水勢尤甚非他時比防者吏不可少懈
河流疾水無傍洩則面底之水一齊趲赴上下相併沙可刷矣
一由坡岬溢出則上下之水便不全力在上者暴流奔注沙
不能停其在下者限隨不及便覺遲滯不能著底冲刷沙停
而水淤矣

河有蛟龍臺及姚元文宗至順元年曹州河堤將壞有姚時

出入其中所不攝土一埽無遺

河身考 自轉東起

廣則能容狹則不文深則斯流淺則斯涸與第來之使決
何如置之使通相其形勢以調劑之為作資河身考

閘鄉閘十里深三丈不等

吳賢閘五里深二三丈

陝州閘四里深一二丈

澠池閘一里深二三丈

新安閘五十八丈深三四丈

孟津閘十里迤下閘五里深三丈

汜水閘十里深一丈五尺

河陰

鄭州閘四里深一丈八尺

中牟閘十里深一丈五尺

祥符閘八里深一丈五尺迤下閘二三里深三四丈

陳留蘭陽閘一里深二丈

儀封閘二里深一丈二尺

考城閘三百五六十丈深二丈四五尺

商邱澗一二里深二三丈

虞城澗一百五六十丈深二丈

陽山澗一二里

蕭縣澗一二里

徐州澗一二里或半里

靈璧澗一二里

駐寧澗一二里或半里

宿遷澗一二里

清河澗一二里或半里

山陽澗一二里或七八里

以上里數得之淮徐道大典王公署中記實然詢之身歷者多有不符且深訝河流至祥符縣以東山疏地曠宜乎益澗而反益狹其故何也豈東於堤而不能送耶夫以閘七八里之河身流未百里而陳由蘭陽之河僅廣一里其既塞不行

之勢有不激而旁潰者乎況歸德以下合水愈多河身愈狹
竟有不及一里者二決又扼于其下徐梁之間河流常清有
由來已

河防要覽云黃河流急則沙行流緩則沙淤而河身窄則流
急寬則流緩因請築綏堤以束水仍築遙堤并加築格堤以
防冲决夫謂大水異深倘有漫冲遇退隄格堤而止自不至
于奔河成缺其言誠為可信至謂河身必狹而後可以不决
何以崇澤以西寬至十里者偏不長决開封至清河狹至不
滿一里者偏多潰决蓋寬則能容狹則不受豈流緩流急之

故武當戰國時齊趙魏三國以河為界各去河十五里為隄
河遂不決迨後民利隄上盜種為甲更築小堤禦水堤日近
河、乃大決是即綏堤之說也今遠堤去河僅一二里甚有
貼近河身者况再築綏堤以逼之河身有不日狹乎以狹至
一里半里之河容蓄本寬十里之水潰而旁洩所必然也
又云上流河身寬深而下流河身不敵其半或更減而半之
勢必懷山襄陵而潰決之患生正言此弊
明尚書胡世寧曰河合則勢大而河身狹不能容所以不特
不泛溢亦指此弊

地形考

地有高卑水分上下逆而挽之則難為功順而導之斯為為力行所無事善治水先為作地形考

河防要覽云黃河之底與黃河之所較之萬曆時高出幾丈而倉頡侍郎諸湖又皆淤為平陸無尺寸積水之地河水一或出槽漫所不有隄防必建瓴而四決

元臣尚文云陳留至睢州百餘里南所、高于水計六七尺或四五尺北所故堤水北田高三四尺或高下等大約南高于北約七八尺則隄安得不壞水安得不北也

黃河自崑崙總出沛不徐地形高下不甚相懸難泛濫可支後黃
河徙出蕭屬直下徐邳地高勢猛冲洶新隄不啻拉朽所冲
隄決滾為深淵下埽楫楡百計難塞即使塞之束水在隄其
寔水行地上急如建瓴

兗州府地平上疎比河南地低下故開封河決多灌兗州

南旺地最高自南旺比至臨清地降九十尺自南旺南至沽頭
地降一百十六尺元人分水在濟寧州使北達南旺是逆也
故明人分水處在南旺

舊開河自涇城至南陽北高南低故易漫